



Հոր

ՃՐՄԱԳ



Զ.Տարի : Թիւ 1

Եռամսեայ թերթիկ

Յունուար 2020

Հրատարակութեամբ

Հ.Մ.Ը.Մ. Ալմէլօ Մեկուսի շրջանի վարչութիւն



18 October 2019 .

ՀԱՂՈՐԴԱԳՐՈՒԹԻՒՆ ՀՄԸՄ-Ի

ՊԱՏԳԱՄԱԻՈՐԱԿԱՆ 12-ՐԴ ԸՆԴՀԱՆՈՒՐ ԺՈՂՈՎԻ

Հայ մարմնակրթական ընդհանուր միութեան 12-րդ Պատգամաւորական ժողովը տեղի ունեցաւ 14-19 Հոկտեմբեր, 2019-ին՝ Ծաղկաձոր, Հայաստան: Ժողովին մասնակցեցան 75 իրաւասու ձայնով քույրեր եւ եղբայրներ, Հ.Յ.Դ. Բիւրոյի ներկայացուցիչ՝ Ընկ. Յակոբ Տէր Խաչատուրեան եւ Հ.Յ.Դ. Բիւրոյի Հ.Մ.Ը.Մ.-ի ներկայացուցիչ՝ ընկ. Յակոբ Խաչերեան, Իրանի Հայ Մշակութային Արարատ Կազմակերպութեան ներկայացուցիչ՝ Եղբ. Հարմիկ Զովելեան, Համազգայինի Կեդրոնական Վարչութեան ատենապետ Ընկ. Մկրտիչ Մկրտիչեան, ինչպէս նաեւ խորհրդակցական ձայնով Կեդրոնական Վարչութեան անդամներ, Ի պաշտօնէ Կեդրոնական Վարչութեան գործավարներ, «Մարզիկ» պաշտօնաթերթի խմբագիրը, Յանձնախումբերու ներկայացուցիչներ, երիտասարդական համագումարի եւ Կեդրոնական Վարչութեան եւ շրջաններէ հրաւիրեալներ, ընդամենը 117 ներկաներ:

Ժողովը գոհունակութեամբ ողջունեց Արցախի, Թիֆլիսի եւ Մոսկուայի նորակազմ շրջանները՝ միութեան մեծ ընտանիքին մասնաճիւղերու թիւը բարձրացնելով 111-ի:

Ժողովը համապարփակ քննութեան ենթարկեց ՀՄԸՄ-ի անցնող չորս տարիներու սերնդակերտման ու հայակերտման աշխատանքները, գնահատեց կատարուած իրագործումները եւ ապագայի հաշուոյն մշակեց նոր ծրագիրներ:

Պատգամաւորական ժողովը լայնօրէն անդրադարձաւ ՀՄԸՄ-ի սկաւառութիւնը, մարզական կեանքը եւ երիտասարդութիւնը յուզող հրատապ հարցերուն եւ համապատասխան որոշումներով քայլեր առաջադրեց անոնց լուծման թափ տալու նպատակով: Ժողովը քննեց նաեւ միութեան կազմակերպական ընդհանուր իրավիճակը եւ ընդգծեց ՀՄԸՄ-ի Հայաստանի, Արցախի եւ աշխարհասփիւռ մասնաճիւղերուն աշխատանքային դաշտերը ընդլայնելու կարելիութիւնները:

Օրակարգի նիւթ դարձան նաեւ կանոնագրային տրամադրութիւններու կարգ մը բարեփոխումներ եւ միութեան «Մարզիկ» պաշտօնաթերթին ու կայքին զարգացման վերաբերող ծրագիրներ:

Ժողովը մանրամասն քննելով անդրադարձաւ անցնող քառամեակի ընթացքին միութեան համա-Հ.Մ.Ը.Մ.-ական 10-րդ մարզական խաղերու, Համա-Հ.Մ.Ը.Մ.-ական 11-րդ ընդհանուր բանակումին եւ միութեան 100-ամեակի նուիրուած միջոցառումներուն:



Ժողովը արժեւորեց նաեւ միութեան առաջին երիտասարդական համագումարն ու անկէ բխած թելադրանքները: Անդրադարձ կատարուեցաւ նաեւ Հ.Մ.Ը.Մ.-ի նորաստեղծ Եկամտաբեր հիմնադրամին մասին:

Պատգամաւորական 12-րդ Ընդհանուր ժողովը շեշտեց միութեան եւ ընդհանրապէս հայ ժողովուրդի դիմագրաւած համաշխարհայնացումի եւ քաղքենիացումի ահարկու վտանգներուն դէմ դնելու անհրաժեշտութիւնը:

Ժողովը անդրադարձաւ Սուրիոյ Հիւսիս արեւելեան շրջանի թրքական ներթափանցումի քայլին եւ այդ իմաստով հրապարակեց հաղորդագրութիւն մը՝ առ ի զօրակցութիւն Սուրիահայութեան և յատկապէս Հ.Մ.Ը.Մ.-ի Գամիշլիի մասնաճիւղին: Իր աշխատանքներուն աւարտին, ժողովը ընտրեց յառաջիկայ քառամեայ նստաշրջանի նոր Կեդրոնական վարչութիւնը եւ Ընդհանուր ժողովի դիւանի ներկայութեան դիւանը կազմեց հետեւեալ ձեւով.-

Եղբ. Վաչէ Նաճարեան՝ Ատենապետ (Լիբանան)
Եղբ. Վիգէն Աւագեան՝ Ատենադպիր (Լիբանան)
Քոյր Թալին Օրտողլեան՝ Գանձապահ (Լիբանան)
Եղբ. Մանուկ Քեօշկէրեան (Սուրիա)
Եղբ. Դաւիթ Յակոբեան (Հայաստան)
Եղբ. Օշին Փիրումեան (Հայաստան)
Եղբ. Հրաչ Սիսեռեան (Ֆրանսա)
Եղբ. Ֆէտի Թաժրա (Շուէտ)
Եղբ. Մոսիկ Թովուգեան (Գանատա)
Եղբ. Վահէ Թանաշեան (Արեւելեան Միացեալ Նահանգներ)
Եղբ. Արմանտ Քիլիճեան (Արեւմտեան Միացեալ Նահանգներ)
Եղբ. Արմանտո Թորգոմեան (Հարաւային Ամերիկա)
Եղբ. Տիրան Վահրատեան (Աւստրալիա)

ՀՄԸՄ-Ի ՊԱՏԳԱՄԱՐՈՐԱԿԱՆ 12-ՐԴ ԸՆԴՀԱՆՈՒՐ ԺՈՂՈՎԻ ԴԻԻԱՆ



9 December 2019 .

ՀԱՂՈՐԴԱԳՐՈՒԹԻՒՆ

ՀՄԸՄ-ի ԺԲ. Պատգամաւորական Ընդհանուր Ժողովէն ընտրուած Կեդրոնական Վարչութիւնը 2019-2023 քառամեակի իր առաջին լիազումար նիստերը կատարեց Փարիզի մէջ, 6-7 Դեկտեմբեր 2019-ին:

Նիստերուն սկիզբը, Կեդրոնական Վարչութիւնը Պատգամաւորական Ընդհանուր Ժողովի որոշումներուն լոյսին տակ քննեց ՀՄԸՄ-ի դէմ ծառացած ներկայ մարտահրաւերները եւ օրակարգի առանձին կէտերով արծարծեց միութեան սկաուտական, մարզական եւ երիտասարդական նորաստեղծ բաժանմունքին զարգացման միջոցները:

Կեդրոնական Վարչութիւնը ընդհանուր արժեւորումը կատարեց միութեան 111 մասնաճիւղերու իրավիճակին եւ հաստատեց, որ վերջին շրջանին ՀՄԸՄ նկատառելի յառաջդիմութիւն արձանագրած է Հայաստանի կազմակերպական իր ցանցին ընդլայնումով, Արցախի եւ Թիֆլիսի մասնաճիւղերուն հիմնադրութեամբ եւ Մոսկուայի ու շրջակայ արուարձաններուն մէջ ծաւալած աշխատանքներուն աշխուժացումով:

Կազմակերպական օրակարգով, Կեդրոնական Վարչութիւնը շեշտեց Եւրոպայի եւ նախկին Խ. Միութեան նորակազմ հայ համայնքներուն մէջ ՀՄԸՄ-ի գործունէութեան ծաւալման հրատապ անհրաժեշտութիւնը՝ համախմբելու եւ փրկելու համար տեղւոյն երիտասարդութիւնը ձուլման անմիջական վտանգէն: Կեդրոնական Վարչութիւնը որոշեց շարունակել Մ. Նահանգներու եւ Գանատայի գլխաւոր քաղաքներու կողքին՝ հեռաւոր ու փոքրաթիւ համայնքներուն հասնելու իր ճիգերը՝ կազմակերպական ժամանակակից մօտեցումներով եւ կառուցային համապատասխան պատշաճեցումներով: Միջին Արեւելքի պարագային, Կեդրոնական Վարչութիւնը որոշեց թափ տալ շրջանային մարզախաղերու եւ միջ-վարչական աշխատանքներու կազմակերպման՝ մասնաճիւղերը աւելի յաճախ քով-քովի բերելու եւ համայնքներու կենսունակութեան նպաստելու համար: Կեդրոնական Վարչութիւնը վերականգնեց քոյր մասնաճիւղերու դրութիւնը՝ թելադրելով չբաւարարուիլ միայն Հայաստան-Սփիւռք քոյր մասնաճիւղերու հոչակումով, այլ՝ անհրաժեշտութեան պարագային քոյր մասնաճիւղեր հոչակելով սփիւռքեան իրարմէ հեռու համայնքներու մէջ գործող իր մասնաճիւղերը: Լիազումար նիստերու կարեւոր մէկ բաժինով, Կեդրոնական Վարչութիւնը քննեց միութեան դաստիարակչական ծրագիրներու, սկաուտական գիրքերու եւ մարզական կանոնագրութեան վերամշակման հրամայականը: Ճշդութեան ընդհանուր ուղղութիւններ եւ պայմանաժամներ վերատեսութեան ենթարկելու ՀՄԸՄ-ական մարդու կազմաւորման աւանդական ծրագիրներն ու մեթոտները: Որոշուեցաւ վերամշակումի ենթարկել նաեւ միութեան ժողովավարական կանոնները, շքանշաններու կանոնագրութիւնը եւ փրոթոքալային ուղեցոյցը: Կեդրոնական Վարչութիւնը յատուկ ուշադրութեամբ քննեց միութեան նորաստեղծ երիտասարդական բաժանմունքին ստեղծման քայլերը եւ հաստատեց, որ բաժանմունքը պիտի համախմբէ ՀՄԸՄ-ական նախկին սկաուտներն ու մարզիկները, որոնք կը փափաքին միութենական իրենց աշխատանքները շարունակել այլազան բնագաւառներու ճամբով: Կեդրոնական Վարչութիւնը որոշեց մինչեւ մէկ տարի պատրաստել բաժանմունքին աշխատանքային ուղեցոյցը եւ փորձարկել զայն մինչեւ յաջորդ Պատգամաւորական Ընդհանուր Ժողով:



Կեդրոնական Վարչութիւնը անդրադարձաւ միութեան քարոզչական, տեղեկատուական եւ արհեստագիտական մարզերուն ընդհանուր իրավիճակին եւ անհրաժեշտ գտաւ ժամանակակից ու արդիական մօտեցումներով հասնիլ երիտասարդական աւելի լայն շերտերու եւ հայկական կազմակերպ համայնքներէ հեռու մնացող աշխարհասփիւռ հայերու: Առ այդ, ան անհրաժեշտ գտաւ «Մարզիկ» պաշտօնաթերթը տպագիրի կողքին համացանցային տարբերակով ներկայացնել, ՀՄԸՄ-ի Application մը ունենալ, կայքէջի եւ ընկերային ցանցերու աւելի արդիւնաւէտ գործունէութեան ՀՄԸՄ-ական ուղեցոյց մը պատրաստել:



Քառամեայ իր ծրագիրներու յաջողութեան համար, Կեդրոնական Վարչութիւնը սերտեց միութեան նիւթական կարելիութիւններուն ընդլայման միջոցները՝ մօտակայ եւ հեռակայ ծրագիրներու մշակման ճամբով:

Լիազումարին քննարկումի նիւթ դարձան նաեւ միութեան թանգարանին, արխիւներուն, համացանցային վաճառատան (online shop), եկամտաբեր ֆոնտին (Endowment fund) կապուած հարցեր:

Երկօրեայ իր նիստերուն ընթացքին, Կեդրոնական Վարչութիւնը գնահատեց Լիբանանի ներկայ տագնապալի պայմաններուն մէջ ՀՄԸՄ-ի Լիբանանի Շրջանային Վարչութեան եւ մասնաճիւղերուն արտակարգ ճիգերը՝ միութենական աշխատանքները անշեղ յանձնառութեամբ եւ կարելի աշխուժութեամբ շարունակելու՝ մնալով պատնէշի վրայ, յօգուտ համայնքին եւ ՀՄԸՄ-ի առաքելութեան կենսագործման:

Լիազումար իր նիստերու աւարտին, Կեդրոնական Վարչութիւնը, ՀՄԸՄ-Ֆրանսի վարչութեան եւ Ֆրանսայի Հայոց Թեմի Առաջնորդ Վահան Եպս. Յովհաննէսեանի ներկայութեամբ, հանդիպում մը ունեցաւ Իսի լէ Մուլինոյի քաղաքապետ Անտրէ Սանթինիի հետ՝ շնորհակալութիւն յայտնելու քաղաքին մէջ ՀՄԸՄ-ի մարգահամալիրի կառուցման իր բերած կարեւոր նպաստին համար: Մարգահամալիրը պիտի ծառայէ Եւրոպայի համայն հայութեան եւ պատրաստ պիտի ըլլայ մինչեւ 2022-ի աւարտ:

Վերջապէս, Կեդրոնական Վարչութիւնը որոշեց 2019-2023 քառամեակին համար համա-Հ.Մ.Ը.Մ.ական իր գլխաւոր ձեռնարկները կատարել հետեւեալ ժամանակացոյցով.- 2020-ին՝ միջ-դիւանական Ժ. խորհրդաժողով եւ համա-ՀՄԸՄ-ական խմբապետական Ը. համագումար, 2021-ին՝ համա-ՀՄԸՄ-ական ԺԱ. մարգախաղեր, 2022-ին՝ համա-ՀՄԸՄ-ական ԺԲ. ընդհանուր բանակում, 2023-ին՝ երիտասարդական Բ. համագումար եւ Պատգամաւորական ԺԳ. Ընդհանուր Ժողով:

ՀՄԸՄ-ԻԿԵԴՐՈՆԱԿԱՆ ՎԱՐՇԱՅՈՒ



ԽՄԲԱԳՐԱԿԱՆ ՄԱՐԶԻԿ-Ի ԹԻԻ 415-Ի

ԱՌԱՋԻՆ ՕՐԷՆ

(Հ.Մ.Ը.Մ.Ի 12-ԴԴ ՊԱՏԳԱՄԱԻՈՐԱԿԱՆ ԸՆԴՀԱՆՈՒՐ ԺՈՂՈՎԻՆ ԱՌԻԹՈՎ)

Իր ստեղծման առաջին օրէն, Հ.Մ.Ը.Մ. այլ միութիւններու չնմանեցաւ: Ո՛չ սովորական մարզական ակումբ մը եղաւ, ո՛չ ալ սկաուտական ընթացիկ շարժում մը հանդիսացաւ: Միութեան հիմնադիրները վարպետ ներդաշնակութեամբ մը մարզականն ու սկաուտականը յաջողեցան մէկտեղել կազմակերպական մէկ կառոյցի տակ, առաջինին խանդավառութեան միացնելով երկրորդին տիսիփիինը, յաղթանակելու կամքին գուգորդելով «ամէն օր բարիք մը գործելու» պարտաւորութիւնը:



Հ.Մ.Ը.Մ. առաջին օրէն որդեգրեց կամաւոր աշխատանքի սկզբունքը, հիմնուած՝ անշահախնդիր նուիրումի, սեփական հանգիստը, ժամանակն ու հաճոյքը հաւաքականութեան սիրոյն զոհաբերելու պատրաստականութեան վրայ, հոգեկան բաւարարութիւնը եւ խիղճի գոհունակութիւնը ունենալով վարձատրութեան միակ աղբիւր: Հ.Մ.Ը.Մ.ական մարդը, մարզիկ թէ սկաուտ, շատ բան տուաւ միութեան եւ միութեան ճամբով՝ իր ժողովուրդին, խորապէս համոզուած, որ տա՛լը, նուիրաբերե՛լը աւելի շատ կը հարստացնէ նուիրողը, քան՝ նուէրը ստացողը:

Անսակարկ նուիրաբերումի պատմական ցուցանիշ է այն իրողութիւնը, որ միութեան հիմնադիր ժողովը տեւեց միայն կէս ժամ: Միութեան անուան ճշդումէն ետք, երկրորդ օրակարգով քննուեցաւ Յեղասպանութենէն փրկուած հայ որբերու հոգատարութեան հարցը: Ընտրուեցաւ Կեդրոնական Վարչութիւն եւ ժողովականները ցրուեցան որբախնամի աշխատանքներ կատարելու համար:

Հետեւաբար, զարմանալի չէ, որ մարզական եւ սկաուտական նպատակներով ճամբայ ելած այս միութիւնը, փոխանակ մարզական եւ սկաուտական աշխատանքներով զբաղելու, իր գործունէութեան սկսաւ... կարօտեալ գաղթականներու օժանդակութեամբ: Օրուան կարիքին ընդառաջելով, ան մարզանքն ու սկաուտութիւնը «զէն ու զրահ» դարձուց իր կամաւոր բանակին, որպէսզի կարենայ յառաջ տանիլ իր ժողովուրդի զաւակներուն կազմակերպման եւ ֆիզիքական դաստիարակութեան գործը՝ փրկելու համար անոնց ազգային էութիւնը: Հազիւ մէկուկէս տարեկան, Հ.Մ.Ը.Մ. ընդառաջեց Հայաստանի լուսաւորութեան նախարարութեան հրաւերին եւ իր լաւագոյն տարրերը գործուղեց հայրենիք, մարզական կեանքը ղեկավարելու, սկաուտական շարժում ծաւալելու եւ հայ որբերէն Հայաստանի արժանապատիւ, տիպար քաղաքացիներ պատրաստելու համար:

Սփիւտքի մէջ, հարազատ իր կոչումին եւ նպատակին, Հ.Մ.Ը.Մ. ծաւալեցաւ ամենուրեք եւ Միջին Արեւելքէն մինչեւ Ամերիկաներ, Եւրոպա եւ Աւստրալիա, իր յաղթական դրօշին տակ համախմբեց հայ երկսեռ երիտասարդութիւնը. մարզիկ թէ սկաուտ իրարու կապեց, իրարու եղբայրացուց եւ բոլորին սորվեցուց Աստուծոյ, ազգին ու հայրենիքին ծառայելու ուխտով ամրացնել իր երազին հասնելու հայ մարդուն հաւատքը:

Հ.Մ.Ը.Մ. գուրգուրաց մայրենի լեզուին եւ աւանդութիւններուն: Աշխատեցաւ իր մարզիկներուն եւ սկաուտներուն հոգիներուն մէջ ամրապնդել հայ եկեղեցիին, հայ մշակոյթին եւ հայրենիքին հանդէպ սէրը, հայ դատի հանդէպ նուիրումը: Ու յաջողեցաւ ան մարմնակրթանքն ու սկաուտութիւնը հայացնել, այնպէս ինչպէս ժամանակին մեր եկեղեցին քրիստոնէութիւնը հայացուցած էր եւ մեր թարգմանիչները մշակոյթը հայացուցած էին:

Հ.Մ.Ը.Մ. ազգային նկարագիր եւ հայեցի շունչ տուաւ իր իւրաքանչիւր նախաձեռնութեան՝ ըլլայ այդ հաւաքոյթ թէ ժողով, արշաւ թէ քանակում, մարզական փորձ թէ մրցում, անոր համար ալ ան հարազատ ու սիրելի մնաց իր ժողովուրդին:

Այսպէս, Հ.Մ.Ը.Մ.ի ժողովրդականութեան աճին եւ մշտանորոգ ուժին հետ, միութեան պատասխանատուները ձեռք բերին այն խոր համոզումը, որ միութեանական իւրաքանչիւր յաջողութիւն, մարզական նուաճում թէ սկստուտական իրագործում, պարտի հարազատ ժողովուրդը քայլ մը աւելի հայացնել, ամրացնել եւ հաւաքական իր իղձերուն իրականացման մօտեցնել:

Այս իրականութիւններուն լոյսին տակ պէտք է արժեւորել Հ.Մ.Ը.Մ.ի 12-րդ Պատգամաւորական Ընդհանուր Ժողովին արդիւնքները, որոնք մարզական եւ սկստուտական ընթացիկ մտահոգութիւններէ անդին, սերտօրէն առնչուեցան հայ կեանքի դիմագրաւած ներկայ մարտահրաւերներուն եւ աշխարհասփիւր հայ երիտասարդութեան դէմ ցցուած դժուարութիւններուն: Ասով նաեւ հասկնալի եւ արդարանալի պէտք է ըլլայ, թէ ինչո՞ւ Պատգամաւորական Ընդհանուր Ժողովը իր օրակարգին մէծ մասը յատկացուց կազմակերպական, դաստիարակչական եւ երիտասարդական հարցերու քննարկման, ուր հրատապ կարեւորութեամբ ներկայացաւ աշխարհի չորս ծագերուն Հ.Մ.Ը.Մ.ի ճամբով հայ երիտասարդութիւնը համախմբելու, կազմակերպելու եւ հայութեան ընդհանրական նպատակներուն համար օգտագործելի ներուժ ստեղծելու հրամայականը:

Հ.Մ.Ը.Մ.ի 12-րդ Պատգամաւորական Ընդհանուր Ժողովը ճշդեց համապատասխան թիրախներն ու միջոցները, թէ ի՞նչպէս մարմնակրթական այս միութիւնը մարզական եւ սկստուտական իր աշխատանքներուն հետ, իր աշխատանքներուն ճամբով անհրաժեշտ ներուժը պիտի ապահովէ հայ ժողովուրդին՝ իր երկճիւղ, այսուհետեւ եռաճիւղ (մարզական, սկստուտական, երիտասարդական) գործունէութեամբ, կամաւոր աշխատանքով եւ ազգային գիտակցութեամբ սերունդներու պատրաստութեամբ, այնպէս ինչպէս առաջին օրէն կատարած էր ան, որպէսզի մեզմէ իւրաքանչիւրս դառնայ աւելի՛ հայ, իսկ հաւաքական մեր կամքը դառնայ աւելի՛ հզօր եւ անպարտելի:



ԼՈՅՍ ՏԵՍԱԻ

Հ.Մ.Ը.Մ.ի
Կ. Վարչութեան
հրատարակութեամբ
«Դէպի յաղթանակ...»
հատորը, նուիրուած՝
միութեան 100-
ամեակին: 260 էջ:
Խմբագիր՝ Վ.
Աւագեան: Տպարան՝
Համազգայինի «Վահէ
Սէթեան»
հրատարակչատուն:



Հ.Մ.Ը.Մ.-ի 12-րդ պատգամաւոր Ընդ. Ժողովին մասնակցեցաւ միութեանս քարտուղար Եղբ. Սեւան Գորգիսեան :



ՄԿԱՌԻՏՈՒԹԻՒՆԸ ՄԵՐ ԱՊՐԱԾ ԿԵԱՆՔԻ
ՓՈՔՐԻԿ ԱՇԽԱՐՀՆ Է
«ԱՊԱՌԱԺ»ԻՆ ԿՆՍԷ Հ.Մ.Ը.Մ.Ի ԱՐՑԱԽԻ
ՄԱՍՆԱԺԻՂԻ ԱՏԵՆԱՊԵՏ ԵՂԲ. ՎՐԷԺ ԷՍՄԵՐԵԱՆ



Արցախի նորակերտ պատմութեան նուիրական էջերից մէկը
Ստեփանակերտում բացուած Հայ
Մարմնակրթական Ընդհանուր Միութեան
մասնաճիւղն է:

«Ապառաժ»ը Հ.Մ.Ը.Մ.Ի Արցախի մեկուսի
մասնաճիւղի գործունէութեան եւ ծրագրերի
մասին գրուցել է մասնաճիւղի ատենապետ
Վրէժ Էսմերեանի հետ: Զրոյցը վարել է Յասմիկ
Յակոբեանը:

Վրէժ Էսմերեանը ներկայացրել է, որ
Հ.Մ.Ը.Մ.ն ունի 111 մասնաճիւղ աշխարհի չորս
կողմերում գտնուող 25 երկրներում: Արցախի մասնաճիւղը սկաուտական կառոյց է,
որի վարչութիւնն ունի 7 անդամ եւ 40 սկաուտ:

Ատենապետի խօսքով՝ Հ.Մ.Ը.Մ.ի Կենտրոնական Վարչութիւնից խմբապետներ
են գործուղուում Արցախ, ովքեր մարզում եւ գիտելիքներ են հաղորդում մեր
սկաուտներին: Նա ասել է, որ շատ անելիքներ ունեն Հ.Մ.Ը.Մ.ի բնագաւառում: Ըստ
նրա՝ հեռանկարային աշխատանքները շատ մեծ են, իսկ դրանցից սպասուող
ակնկալիքներն՝ աւելի մեծ:

«Մենք Արցախում պրոֆեսիոնալ ակումբ չենք, բայց կարելորում ենք մեր
երիտասարդների՝ տարբեր մարզաձեւերի, փողային երաժշտութեան, շքերթներ
կազմակերպելու պատրաստութիւնը, արժեւորում հայոց մշակոյթը՝ նրանց
դարձնելով հոգով եւ մարմնով բարձր սկաուտներ», ասել է նա:

Ատենապետը նշել է, որ Արցախի երիտասարդների համախմբումը Հ.Մ.Ը.Մ.ի
սկաուտական շարքերում հայոց աշխարհի Արցախ շրջանում բոլորի մեծ երազանքի
իրականացումն է, որի համար
ջանք եւ ուժ չեն խնայում
նորակազմ վարչութեան
անդամները:

Վրէժ Էսմերեանի խօսքով՝
մասնաճիւղի գրասենեակի
համար տարածք են յատկացրել
եւ արդէն ունեն նոր կառոյցի
նախագիծ: Ըստ նրա՝
աշխատանքներ են տարւում
հասարակական կազմակերպութիւնը օրինական դարձնելու ուղղութեամբ:

Հ.Մ.Ը.Մ.ի ատենապետը կիսուել է վերջերս Երեւանում տեղի ունեցած
Միութեան 12-րդ Պատգամաւորական Ընդհանուր Ժողովի տպաւորութիւններով:
Նրա խօսքով՝ որոշուել է Հ.Մ.Ը.Մ.ի գալիք քառամեայ ծրագրի որոշ աշխատանքները
իրագործել Արցախում՝ Արցախի մասնաճիւղը զարգացնելու եւ յարատեւելու
նպատակով:



«Ուրախութիւնից յուզուել եւ անթաքոյց հպարտութիւն ենք ապրել բոլորս, երբ յոտնկայս ծափողջոյններով Արցախի մասնաճիւղի ատենապետին հանդիսատար հրաւիրեցին: Շատ ջերմ են ընդունել մեզ», - յաւելել է նա:

Վրէժ Էսմէրեանը նշել է, որ Պատգամատրական Ընդհանուր Ժողով լինելու հանգամանքը չի խանգարել իւրաքանչիւրին իր ելոյթում անդրադառնալ Հ.Մ.Ը.Մ.ի՝ Արցախում գործունէութիւն ծաւալելու եւ զօրացնելու խնդիրներին:

«Երբ Արցախի երիտասարդութիւնը գիտակցի, թէ ի՞նչ ասել է սկաուտութիւն, կը սովորի սիրել եւ կը ցանկանայ կապուել սկաուտութեանը: Արցախի ազատագրական պայքարի ժամանակ ողջ հայութիւնը թեւ-թիկունք է կանգնել Արցախին, այսօր էլ Հ.Մ.Ը.Մ.ի ողջ ընտանիքը Սփիւռքում, Մայր Հայաստանում միաւորուել է Արցախին՝ մասնաճիւղը զարգացնելու պատրաստակամութեամբ, որը յարատեւելու հեռանկարներ ունի», - յաւելել է նա:

«Սկաուտութիւնը մեր ապրած կեանքի փոքրիկ աշխարհն է՝ աւելի փափուկ եւ մեղմ», - յաւելել է նա:



Մարզական



Հ.Մ.Ը.Մ. Ալմելօ Մեկուսի Շրջանի սրահի ոտնագնդակի Ա.Խումբի

(K.N.V.B) ԹԻՎԵՆԹԱ
շրջանի 2019-20
տարեշրջանի Բ.Կարգի
մրցաշարային նախորդ
եռամսեայ մրցումներու
արդիւնքները.-

Vrijdag 25 oktober, 20:00 uur
wedstrijdnummer: 44461



Homenetmen
Almelo 1

4 - 3



Almelo Futsal
Combinatie 7

Homentmen vs Almelo F.C 7 (4-3)

Խմբի մարզիչ Եղբ. Հայաստան Սարգիսեանի կ'շարունակէ միութեանս սրահի ոտնագնդակի խմբի փորձերը շաբաթուայ երեքշաբթի օրերը (schelfhorst) մարզադաշտ-ին մէջ :

Գրական –գեղարուեստական երեկոյ



Կազմակերպութեամբ Ալմելօ-ի Ս.Գրիգոր Լուսաւորիչ Եկեղեցւոյ , Հ.Մ.Ը.Մ. Ալմելօ-ի եւ Հոլանտայի Հ.Բ.Ը.Մ.ան տեղի ունեցաւ 26 Հոկտեմբեր 2019-ին Ալմելօ-ի Ս.Գ.Լ. Եկեղեցւոյ Գալուստ Կուլպենկեան սրահին մէջ (Կոմիտաս վարդապետի եւ Յովհաննէս Թումանեանի 150 ամեակին առթիւ) գրական –գեղարուեստական երեկոյ :

Օրուայ ձեռնարկին Հոլանտայի Հ.Հ.արտակարգ եւ լիազօր դեսպան տիար Զ.Բալեան փոխանցեց կազմակերպիչ կազմակերպութիւններու ներկայացուցիչներուն (Թումանեանի «Հոլանդերէն լեզուով » նախապէս պատրաստուած գիրքը) յուշանուէրներ:



101 Տարուայ յոբելեան

16 ՆՈՅԵՄԲԵՐ 1918 - 16 ՆՈՅԵՄԲԵՐ 2019

Շնորհաւոր 101-րդ տարեդարձդ մի շտ երիտասարդ սիրելի մեր Հ.Մ.Ը.Մ. միութիւն :

Բարի երթ դէպի նոր հարիւրամեակներ:

«Յառաջ նահատակ ցեղի անմահներ...»

Հ.Մ.Ը.Մ. Ալմելօ Մեկուսի Շրջան



KERST MARKT

Շաբաթ 21 Դեկտեմբեր 2019 Թ. Ին միութեան սկաուտները Հայկական բարիքներ վաճառելով մասնակցեցան Ալմելո-ի Ս. Գրիգոր Լուսաւորիչ Եկեղեցւոյ կազմակերպած Ս. Ծննդեան շուկային (Kerst markt) .- լուսանկարներ



2019 տարեշրջանի աւարտը

Կիրակի 22 Դեկտեմբեր 2019 Թ.ին Ալմելո-ի Ս.Գրիգոր Լուսաւորիչ Եկեղեցւոյ Գալուստ Կուլպենկեան սրահին մէջ միութեան սկաուտները փակեցին 2019 տարեշրջանը կազմակերպելով ձեռային աշխատանքներու ցուցահանդէսով ,զանազան սկաուտական խաղերով եւ Ձմեռ պապի ժամանելով ապա նուէրներ բաշխելով:

Օրուայ ձեռնարկը աւարտուեցաւ ՊԻՆԿՕ –ի խաղով:



24 November 2019 ·

Հ.Մ.Ը.Մ. ԱԼՄԵԼՕ ՄԵԿՈՒՄԻ ՇՐՋԱՆԻ 23-ԸՄ Մարզահանդես



Հովանատայի Ալմելո քաղաքին մեջ Նոյեմբեր 23- ին տեղի ունեցավ Հ.Մ.Ը.Մ. Ալմելոյի տարեկան 23- րդ մարզահանդեսը, մասնակցութեամբ Հ.Մ.Ը.Մ. Ալեքսար, եւ Հ.Մ.Ը.Մ. Առնհեմ մեկուսի շրջաններուն:

Ներկայ էին ներդրւանդներում ՀՀ հիւպատոս Օր. Քրիստինէ Ստեփանեան , Ս. Գրիգոր Լուսաւորիչ եկեղեցւոյ հոգեւոր հովիւ Տէր, Մաշտոց Պաղտասարեան եւ վարչութեան ատենապետ , ներկայացուցիչներ ՀՅԴ Արամ Մանուկեան կոմիտէի, Հ.Օ.Մ-ի, Հ.Բ.Ը.Մ-եան եւ Քոյր միութիւններու ներկայացուցիչներ:



Յայտագրին սկիզբը մէկ վարկեան ոտնկայս յարգեցին մեր նահատակներուն յիշատակը: Միութեան ատենապետը եղբ. Մինաս Արսէնեանը իր բացման խոսքի մէջ կարեւորեց Հ.Մ.Ը.Մ. -ի յաջողութիւնը ազգային դաստիարակութեամբ սերունդներ պատրաստելու նպատակները, եւ առժեքաւորեց հայ ծնողի դերն ու կարեւորութիւնը ՀՄԸՄ ընտանիքի ծիրէն ներս : Եղբ. Արսէնեանը աւարտեց իր խոսքը Արամ Ա. Կաթողիկոսի խոսքերով :-

Հ.Մ.Ը.Մ.ի մէջ ըլլալ կը նշանակէ հայութեան մէջ ըլլալ, Հայ եկեղեցւոյ կամարներուն տակ ըլլալ, Հայ ուսուցիչին դիմաց ըլլալ , Վարդանին զինակից դառնալ:



Հ.Մ.Ը.Մ.ի մէջ ըլլալ կը նշանակէ Հայաստանի հողին վրայ ըլլալ՝ սփիւրքի ապահայացնող տխուր ու տոգոյն պայմաններուն մէջ:

Հ.Մ.Ը.Մ.ը սփիւրքի մէջ « Փոքրիկ Հայաստան» մը եղաւ. Աշխարհին բոլոր անկիւններէն յուսավառ աչքերով ու վճռական քայլերով ՀՄԸՄ ը կը շարունակէ քալել դեպի Արարատի փեշերը եւ Արաքսի ափերը, դեպի ճշմարիտ հայրենիք՝ յաւիտենական Հայաստան:

Նիդերլանդներում Հայաստանի Հանրապետութեան հյուպատոս Քրիստինե Ստեփանեանը, Նիդերլանդների Թագավորությունում Հայաստանի Հանրապետութեան դեսպան Տիգրան Բալաեանի անունից ողջույնի խոսք հղեց միջոցառման կազմակերպիչներին և մասնակիցներին, մասնավորապես, նշելով.



«Ավելի քան մեկ դար Հ.Մ.Ը.Մ-ն հայկական սփյուռքում իրականացնում է միավորելու, կրթելու և ազգային ինքնութեան պահպանման կարևորագույն առաքելություն, որի խոստուն վկայություններից է հայորդիների մասնակցությամբ այս մարզահանդեսի օրինակելի շարունակականությունը: Մեծապես կարևորելով այն նվիրումը, որով յուրաքանչիւր առաջնորդվում էր հայապահպանման այս կարևոր գործառնություն իրականացնելիս, մաղթում ենք ձեզ եռանդ և ուժ՝ հետագա բոլոր նախաձեռնություններում, իսկ մարզահանդեսի մասնակիցներին՝ նորանոր հաջողություններ:»

Ապա տեղի ունեցաւ սկաուտական երդման արարողութիւն, որուն յաջորդեց մարզական խաղերի մրցումները:

Օրուայ վերջաւորութեան Գալուստ Կիւլպենկեան սրահին մէջ տեղի ունեցաւ մարզական խաղերու մրցանակներու բաշխում եւ խրախճանք:



Հ.Մ.Ը.Մ. Ալմէլօյի մեկուսի շրջան



Վարչութեան յայտարարութիւն

DE SPORTCOMMISSIE VAN HOMENETMEN ALMELO
ORGANISEERT

SPORT



DAG

Oktober

20

AANVANG: 19.30 UUR

LEEFTIJD: V.A. 14 J.

VOOR INFO:
0685057187
0619945954

DEELNAME:
!GRATIS!

Catharina van Renneslaan 128, 7604 KV Almelo



ԲՈՎԱՆԴԱԿՈՒԹԻՒՆ

- ⇒ Հաղորդագրութիւն Հ.Ս.Ը.Մ.Ի պատգամաւորական 12-րդ ընդհանուր ժողովի.
- ⇒ Հաղորդագրութիւն Հ.Ս.Ը.Մ.ի ԺԲ. պատգամաւորական ընդհանուր ժողովէն.
- ⇒ Խմբագրական Մարզիկ-ի թիւ 415-ի Առաջի 'ն Օրէն Հ.Ս.Ը.Մ.ի 12-րդ պատգամաւորական ընդհանուր ժողովին առիթով.
- ⇒ Կ. Վարչութեան հրատարակութիւն.
- ⇒ Հ.Ս.Ը.Մ. Ալմելօ Մեկուսի Շրջանի մասնակցութիւնը Հ.Ս.Ը.Մ.ի 12-րդ պատգամաւորական ընդհանուր ժողովին .
- ⇒ Սկաուտութիւնը մեր ապրած կեանքի փոքրիկ աշխարհն է (Եղբ. Վրէժ Էսմերեան).
- ⇒ Հ.Ս.Ը.Մ. Ալմելօ Սրահի ոտնագնդակի Ա.Խումբ.
- ⇒ Գրական – գեղարուեստական երեկոյ
- ⇒ 101 Տարուայ յոբելեան
- ⇒ Ս. Ծննդեան շուկային (Kerst markt)
- ⇒ 2019 տարեշրջանի աւարտը
- ⇒ Հ.Ս.Ը.Մ. Ալմելօ Մեկուսի Շրջանի 23– րդ մարզահանդէս
- ⇒ Վարչութեան յայտարարութիւն
- ⇒ Բովանդակութիւն

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Homenetmen Almelo / ՀՍԸՄ Ալմելօ

Instagram  : [homenetmenalmelo](https://www.instagram.com/homenetmenalmelo)

Առաջարկներու համար կը խնդրուի կապ հաստատել homenetmenalmelo@yahoo.nl ուլ